

● Президент топшириқлари амалда

ТАБИЙ ГАЗ БЕРИЛДИ, ЯНГИ ЗАВОД ИШГА ТУШИРИЛДИ

Кентов шахрига табиий газ берилди. Вилоят ҳокими Ҳ. Шукеев аҳолининг қувончига шерик бўлди.

– Мана, кентовликларнинг кўп йиллик муаммоси ҳал бўлиб, шахарга газ келди. Кентов шахридаги иссиқлик таъминоти муаммоси мени анчадан буён қийнаётган эди. Молиявий муаммолар ҳал этилиб, мақсадга эришдик. Бу эзгу иш кентовликларнинг ҳаёт сифатини оширади. Энди уларнинг ўзлари ҳам биргаликда ҳаракат қилиб, ҳар бир хонадонга босқичма-босқич “зангори олов”ни улашса, кифоя, – деди ҳоким.

Ушбу хушxabардан сўнг вилоят ҳокими Кентов шахридаги махсус иқтисодий ҳудудда янги иншоотнинг очилиш маросимида иштирок этди. “Туркистон темир-бетон” заводи фойдаланишга топширилиб, янги иш ўринлари барпо этилди. Ушбу заводда уй-жой қуришга мўлжалланган темир-бетон маҳсулотларининг 10дан зиёд тури

ўтган ушбу учрашувда фуқароларнинг мурожаатлари, фикр-мулоҳазаларини тинглади, Кентов шахрининг рақобатбардошлигини ошириш борасида амалга оширилаётган ишларга тўхталди.

– Қозоғистон Президенти Қасим-Жумарт Тоқаев жорий йилги Мақтубида “Янги Қозоғистон”ни барпо этиш юзасидан қатор топшириқлар берди. Жумладан, аҳоли билан учрашувлар шакли ўзгарди, эндиликда давлат идоралари раҳбарларининг фуқаролар билан учрашувлари эркин мулоқот тарзида ўтмоқда, муаммолар очик айтилмоқда. Маърузалар камайиб, аҳоли билан беvosита мулоқот имконияти пайдо бўлди. Биз шу тарзда мавжуд муаммолар ҳақида кўпроқ маълумотга эга бўламиз. Кентовда кўплаб кўрсаткичлар бўйича ўсиш кузатилмоқда. Туркистоннинг вилоят марказига айлангани бу шахарга ҳам ўз ижобий таъсирини ўтказди. Ушбу шахар менга яқин, унинг барча муаммоларидан хабар-



ишлаб чиқарилади. Сармоя ҳажми 1,2 млрд. тенгени ташкил этди.

Вилоят ҳокими дастлаб завод ишчилари билан учрашиб, янги корхона маҳаллий иқтисодиёт ва sanoat ривожига туртки беришини алоҳида таъкидлади.

Сўнг шахар фахрийлари ва ёшлари билан учрашди. Ш. Қалдаяқов номидаги Маданият уйида

дорман. Шунинг учун Кентовни тараққий эттириш – менинг фуқаролик бурчим. 2021 йилда шахарни ривожлантириш учун 1,3 млрд. тенге ажратилди. Кўп қаватли уйлар янгиланди. “Қизиласкар” АГРСни ишга тушириш арафасида. Эндиликда одамлар табиий газдан фойдаланишлари мумкин. Конлардаги ер ости сувлари ҳажмини па-



сайтириш юзасидан ишлар олиб борилмоқда. Жорий йилда Кентов шахрини ривожлантиришга 1,6 миллиард тенге ажратилмоқда, – деди ҳоким.

Учрашувда аҳоли шахар инфратузилмасини ривожлантириш, ономастика, иш жойларини кўпайтириш, болалар ўйин майдончаларини очиш,

“Серпін” дастури доирасида ёшларни ишга жойлаштириш каби муҳим муаммолардан сўз очди.

Вилоят ҳокими учрашув якунида бир гуруҳ кентовликларни шахсий масалалар юзасидан қабул қилди. Уларнинг мурожаатларини тинглаб, қонун доирасида жавоб берди.

Вилоят ҳокимининг матбуот хизмати.

ЯНГИ МАКТАБ ҚУРИЛИШИ БОШЛАНДИ

Арис шаҳри ҳокими Гулжан Қурманбекова Маданият уйида аҳоли билан учрашув ўтказди. Бунга қадар бта қишлоқда учрашувлар ўтказиб, аҳоли билан долзарб масалаларни муҳокама қилган. Учрашувда Г. Қурманбекова ўтган йилда амалга оширилган ишлар юзасидан ҳисобот бериб, аҳолини қизиқтирган бир неча муҳим масалаларнинг ечимига тўхталди.

Шаҳар ҳокими жорий йил Арис шаҳрида 600 ўринли иккита янги мактаб қад ростлашини айтди.

– Заковатли авлод – мамлакат келажиги. XXI асрда уч сменали мактаб масаласи ҳал қилинади. Йилдан йилга аҳоли сонининг ўсишини эътиборга олиб, янги мактаблар қурилишини режалаштирдик. Юқорида таъкидлаганимдек, 2та янги мактаб қурилишидан



ташқари, жорий йилда М. Аюезов номидаги гимназия қоишида 200 ўринли, И. Журба номи мактаб қоишида 300 ўринли қўшимча ўқув биноси қурилади. Натижада, 1500дан зиёд ўқувчига қулай шароитлар яратилади, – деди Гулжан Мамитқизи.

Бундан ташқари, электр тармоқларини янгилаш, ичимли сув сифатини яхшилаш, шахар кўчаларини жорий

таъмирлаш масалаларига ҳам тўхталди.

Ийгилишда шахар раҳбари ариликларнинг оғзаки ва ёзма саволларига ҳам жавоб берди. Жавоб олишга улгурмаганлар эса маърузадан сўнг бошқарма раҳбарлари билан учрашди.

Вилоят ҳокимининг матбуот хизмати.

● Брифинг

ИССИҚХОНА – ДЕҲҚОНЛАРГА МАДАД

Жорий йилда Туркистонда 50 гектар ҳудудда замонавий иссиқхона мажмуаси қурилиши режаланмоқда. Ҳозирги кунда сармоядорлар аниқлашиб, инфратузилма масаласи ҳал қилинмоқда. Бу ҳақда вилоят қишлоқ хўжалиги бошқармаси бўлим раҳбари Алибек Пилалов маълум қилди.



– Яқинда ҚР Қишлоқ хўжалиги вазири Ербўл Қарашўкеев Туркистон вилоятига хизмат сафари билан келди. У иссиқхоначилик тармоғи раҳбарлари билан учрашиб, долзарб масалаларни муҳокама қилди. Хусусан, иссиқхона хўжалиқларига субсидия бериш, кредитларни тўлаш муддатини узайтириш, коммунал тўловларини бўлиб тўлаш тақлифлари киритилади, – деди А. Пилалов.

Эслатиб ўтаимиз, Туркистон яқинида 11 минг гектар озиқ-овқат белбоғини барпо этиш лойиҳаси амалга оширилмоқда. Бугунги кунга қадар 2,2 минг гектар майдонга 65та ёмғирлатиб сўғориш ускунаси ўрнатилди. “Озиқ-овқат белбоғи” дастури доирасида бта сармоявий лойиҳа (қиймати 34,7 млрд. тенге) амалга оширилмоқда.

Вилоят минтақавий алоқалар хизмати.

ОЗИҚ-ОВҚАТ ХАВФСИЗЛИгини ТАЪМИНЛАШ – УСТУВОР ВАЗИФА



ҚР Молия вазири ўринбосари Татьяна Савельева озиқ-овқат хавфсизлигини таъминлаш учун режалаштирилган маблағлар миқдорини маълум қилди.

– Яна бир йўналиш – озиқ-овқат хавфсизлиги режаси доирасидаги тадбирлар. Режа Ҳукумат томонидан тасдиқланган ва аҳолини юқори сифатли, хавфсиз товарлар билан таъминлашга қаратилган, – деди Татьяна Савельева.

– «2022-2024 йилларга мўлжалланган Республика бюджети тўғрисида»ги ва «Республика бюджети тўғрисида»ги қонунларга ўзгаришлар киритиш тўғрисидаги қонун лойиҳалари доирасида

ҚОЗОҒИСТОНДА ОЗИҚ-ОВҚАТ ХАВФСИЗЛИгини ТАЪМИНЛАШГА
200 МЛРД. ТЕНГЕДАН Ортиқ МАБЛАҒ ЙўНАЛТИРИЛАДИ

ушбу йиллар учун Миллий жамғармадан кафолатланган трансферт олинади.

Режани амалга ошириш учун уч йўналиш бўйича 238 миллиард тенге йўналтирилади.

– Биринчи навбатда, 139 млрд. тенге агросаноат мажмуасини субсидиялашга ажратилади, ижтимоий нон ва туҳум субсидияланади. Иккинчиси, баҳорги дала ва йиғим-терим ишлари учун имтиёзли кредитлаш ҳажминини 70 млрд.дан 140 млрд. тенгегача ошириш. Қўшимча берилган 70 млрд. тенге, келаси йили қайтарилади, – деди вазири ўринбосари.

Маърузачи таъкидлаганидек, бу ишлаб чиқарувчиларга муҳлат бериб, маҳсулотларни рақобатбардош нархларда сотиш имконини беради.

– Учтинчиси, ички бозорда ем-хашак жамғармасини барпо этишга – 20 млрд. тенге сарфланади. Ўтган йил тажрибаси кўрсатганидек, захираларни зудлик билан жамғариш зарур, – дея хулоса қилди Т. Савельева.

Қозоғистон ахборот агентликлари маълумотлари асосида.

○ ҚР Президенти Фармони билан Тамара Дүйсенова Меҳнат ва аҳолини ижтимоий муҳофаза қилиш вазири этиб тайинланди.

